



LABBI



1. TÖLUBLAÐ

37. ÁRGANGUR

2003



Ávarp mótsstjóra

63. Vormót Hraunbúa. Hvað þarf að segja meira?

Hraunbúar búnir að halda Vormót samfleytt í 63 ár þó að staðsetningin hafi breyst að einhverju leiti.

Flestir hinna „gömlu“ muna Vormót Hraunbúa sem eitt af stærstu skátamótum landsins, fyrir utan landsmót, með mörg hundruð skátum hvaðanæva að.

Þrautabrautir, vatnasafarí, kvöldvökur, hin stórgóða sjúkragæsla á vegum Hjálparsveitar skáta í Hafnarfirði, síðar Björgunarsveitar Hafnarfjarðar, og að sjálfsögðu veðrið, sól, rigning, snjócoma, slydda og aftur sól á sama sólarhringnum er eitthvað sem allir muna eftir og vilja endurvekja.

Nú í ár hafa Hraunbúar ákveðið að setja markið hátt eins og okkur einum er lagið og stefnum að því að endurvekja stærð og glæsileika fyrri Vormóta.

Búið er að vinna að undirbúningi þessa móts í dagóðan tíma og hafa margir verið kallaðir til aðstoðar við framkvæmd og undirbúning mótsins.

Dagskrá mótsins hefur tekið stakkaskiptum og meira lagt í að börn sem og fullorðnir geti komið og skemmt sér í hinum ýmsum þrautum, leikjum og verkefnum sem í boði verða. Einnig höfum við sett þá stefnu að hafa fjölskyldubúðir stærri í ár en undanfarið og vonumst við til sjá eldri skáta koma og

Ritstjóri: Ingólfur Már Grímsson
Aðstoðar ritstjóri: Einar Jón Gunnarsson
Útgáfa: Labbaprent

skemmta sér með ungviðinu eins og þeir gerðu sjálfir á árum áður.

Einnig hefur verið opnuð heimasíða fyrir mótið á www.hraunbuar.is/vormot og eru þar svör við flestum þeim spurningum sem koma til með að vakna hjá fólki.

Við vonumst til að sjá sem flesta unga sem aldna á 63. Vormóti Hraunbúa í Krýsuvík daganna 6.-9. júní 2003 og vakna með sól að morgni.

*Með skátakveðju,
Guðjón R. Sveinsson
Mótsstjóri*

Helstu dagskrárliðir

BMX þrautabraut

Hér gefst þáttakendum færi á að láta vindinn þjóta um eyrun á BMX hjólum í blíðunni. Flokkarnir setja saman BMX hjól úr þeim varahlutum sem þeir fá og búa til hið fullkomna bmx hjól sem þeir munu svo fá að keppa í braut á og reyna að setja besta tíma í brautinni og stökkva á stökkpöllum.

Ljósmyndari: Ólafur Lárus Gabríelsson
Fréttamenn: Árni og Hrannar

Klassískir póstar

Hér fá flokkarnir að reyna á það sem þeir hafa lært í gegnum tíðina í skátunum auk þess sem þeir fá möguleika á að kynnst svæðinu og þeirri dásamlegu náttúru sem umlykur mótssvæðið.

Eldun á náttúrunni

Hér er eldaður góður matur, eins konar útilegumatur, sem hægt er að elda með lítilli fyrirhöfn eins og til dæmis á opnum eldi eða niðursuðudós.

Ræðumennska

Hér er farið í grunnatriði ræðumennsku, mælskulistar og almennrar framkomu. Skátarnir fá að kynnasr því að semja sína eigin ræðu og koma fram, kannski kemur góður ræðumaður fram í þér með smá æfingu.

Adrenalínið flæðir 1

Á þessum pósti fá flokkarnir að kynnst búnaði tengdum klettaklifri og sigi. Kennd eru undirstöðuatriðin í að setja upp tryggingar og krakkarnir fá tækifæri á að setja upp sínar tryggingar, undir handleiðslu vanra manna, og síga niðr á þeim. Einnig geta þeir sem lengra eru konir fengið að setja inn vini, hnetur og annað sem notað er í klettaklifri.

Þetta er póstur fyrir þá sem vilja fá adrenalínið til að flæða í æðunum.

Adrenalíníð flæðir 2

Hér fá flokkarnir að spreyta sig í hinu nýja og dúndur vinsæla kassaklifri auk þess að fá að reyna við kifurvegg sem er ekki af verri endanum.

Töffari 2003

Hér fá krakkarnir undir leiðsögn vanra ofurtöffara að spreyta sig í að búa til krumpuskyrtur og sýndar verða aðal hárgreiðslunar sem eru „inn“ í dag. Einnig munu umsjónarmennirnir leiða skátana í gegnum hvað er cool og hvað ekki og hverjir eru cool og hverjir ekki.

Fyrsta hjálp

Hér verður boðið upp á bóklega og verklega kennslu í fyrstu hjálp. Farið er í ýmislegt sem gott er að kunna þegar ferðast er í óbyggðum eins og að setja fólk í börur, spelka brot og fleira.

Í faðmi fjalla

Hér eru þátttakendur keyrðir niður að Kleifarvatni þar sem þeir fá leiðsögn um hverir eru nýlega komnir undan vatninu. Síðan er gengið á Sveifluháls þar sem leiðbenendur kenna líttillega grunnatriði í fjallamennsku. Skoðað er útsýnið af toppnum og sagt frá helstu örnefnum og sögu þeirra staða sem bera þau auk þess sem boðið er upp á harðfisk. Síðan er haldið í sundlaug Hraunbúa og þurfa því allir að hafa sundföt meðferðis.

Á stóra sviðinu

Hér fá skátarinir að kynna listrænu hliðinni á sjálfum sér og læra grunnatriðin í leik, söng og dansi. Fyrir listunnendur og aðra áhugasama.

Vatnasafari

Á þessum pósti eru þáttakendur að reyna við erfið verkefni í þrautabraut yfir vatn og kemur fyrir að fólk detti í vatnið en enginn er verri þó hann vökni.

Þrauta- og metaland

Hér er boðið upp á allskonar þrautir og leiki sem bæði er hægt að setja met í, jafnvel íslandsmet og aðrar sem ekki er hægt að setja met í hægt að spila og hafa gaman af.

Vatnsbyssustríð

Þeir sem voru á síðasta Landsmóti ættu að kannast við þennan póst. Hér er skipt upp í lið og fólk fær vatnsbyssur og fer út á vígvöllinn að berjast.

Harry Potter og ósýnilegi skátaforinginn

Hér er farið inn í heim Harry Potters og fengið að upplifa nýtt ævintýri sem er fullt af spennu, gátum og öllu sem Harry, Ron og Hermione þurfa að kljást við dags daglega.

Auglýsing

Nokkrir hressir dróttskátar tóku sig til og bjuggu til alvöru augýsingu fyrir vormótið.

Hægt er að nálgast auglýsinguna á Hraunbúavefnum.

<http://www.hraunbuar.is>

Þetta myndband er öllum nauðsynlegt að sjá.



Gáta vikunnar

Hljómsveitin sem spilar undir í myndbandinu mun einnig spila á mótinu. Veit einhver hvaða hljómsveit það er?

Stjörnuspá

Spáin gildir fyrir helgina 6.-9. júní.



Vatnsberinn - 20. janúar - 18. Febrúar

Þú ert ennþá að ná þér eftir Matrix frumsýninguna, get over it. Farðu og sýndu hinum hver er sannur skáti.



Fiskarnir - 19. febrúar - 20. mars

Þetta verður helgi fiskanna. Nú er um að gera að láta ljós sitt skína og láta taka eftir sér. Trúðabúningur er ágætis hugmynd.



Hrúturinn - 21. mars - 19. apríl

Hrúturinn er í tiffinngakreppu. Nú er um að gera að láta allt gossa. Ef það er einhver sem þú ert búinn að vera skotin/n í lengi þá er þetta tíminn til þess að tjá sig.



Nautið - 20. apríl - 20. maí

Nú er um að gera að sýna styrk sinn. Best væri að stanga flokksforingjann sinn hressilega í rassinn. Ef það gengur ekki skaltu bjóða honum/henni í sjómann.



Tvíburarnir - 21. maí - 20. júní

Söngþráin er farin að gera vart við sig. Taktu lagið þegar aðrir eiga síst von á því.



Krabbinn - 21. júní - 22. júlí

Þér mun bjóðast að gerast skátaforingi í Írak. Eina skilyrðið er að þú getir unnið vel með mönnum á borð við Bin Laden og Saddam Hussein og kennir þeim Öxar við ána.



Ljónið - 23. júlí - 22. ágúst

Þér mun bjóðast ósiðlegt tilboð. Þú átt kost á því að fá frían klaka með öllu gosi í Nóatúns verslununum.



Meyjan - 23. ágúst - 22. september

Þú munt ekki vinna í skátalottóinu. En þú gætir unnið Arnarfellshlaupið ef þú leggur þig fram.



Vogin - 23. september - 22. október

Þú munt fá tækifæri til þess að vinna hjálparstarf á vegum skáta í Kína og berjast gegn Bráðalungnabólgu. Gangi þér vel.



Sporðrekin - 23. október - 21. nóvember

Nú er góður tími til þess að opinbera Mount Everest-förina og biðja formann skátafélagsins um styrk til fararinnar.



Bogmaðurinn - 22. nóvember - 21. desember

Láttu gott af þér leiða og vertu sérstaklega góð/ur við alla foringja um helgina.



Steingeitin - 22. desember - 19. janúar

Sýndu frumkvæði. Sláðu heimsmetið í steinasöfnun um helgina.

Nú fer að líða að Vormóti og Riddarasveitin er farin að undirbúa sig.

Stemmingin er gífuleg í kringum flokkana þegar þeir skrifa útbúnaðarlista og skipuleggja hver kemur með hinn ýmsa búnað s.s. tjöld og eldunarapparöt.

Nokkrir hæfileikaríkir ylfingar tóku stóra skrefið og skoppuðu



Riddarar að búa sig undir átökin á vormóti kátir úr Grábræðrum yfir í Riddara og hittu nýju flokksfóringjana sína sem tóku á móti þeim með póstaleik. Já, það er mikilvægt að undirbúa sig fyrir svona merkilegann atburð í lífi manns sem vormót er. Rætt var um matvæli og hvað það væri gott að koma með af svoleiðis á mótið. Þó er mikilvægt að muna að maturinn á að vera hollur og góður, sérstaklega morgunmaturinn, sem er mikilvægasta máltíð dagsins (Þó að einstaka pizza sé allt í lagi (en ekki á Vormóti (Það er of erfitt að eldasvleiðis í Krísuvíkinni (En þetta má skilja sem áskorun)))).


Regngalli er mjög mikilvægur og er gott að hafa svleiðis með sér, og þó að það rigni ekki (bjartur!) er regngalli bara töff eins og Óli og Kiddi munu koma áleiðis.

Árni Labbakútur

Asterix-leikarnir

Á mótinu verða haldnir hinir víðfrægu Asterix-leikar en þeir telja á meðal annars:

Arnarfellshlaupið
Fótboltamótið
Drumbakast
Kraftakarll
Boðhlaup
Rúgbý
Reipitog
Pokahlaup
Stór fótbolti
Vatnasafarí
Karlrembuhlaupið



Labbi mun kynna leikana betur síðar.

Póstkassinn

Hvað væri blaðið án greina frá mótsgestum. Eins og á fyrri mótum verður Labbakúturinn á mótssvæðinu þar sem allir geta sent inn greinar, myndir, lausnargjaldskröfur og mútur.

Einnig viljum við benda mótsgestum í sálarkreppu á að Dr. Móri mun reyna að svara fyrirspurnum sem sendar til hans í gegnum tölvupóst fyrir mót eða í póstkassann á mótinu. Spurningar til Móra skal merkja „Elsku besti, yndislegi og frábæri doktor Móri“.

Dauðir Ráðherrar

Eftir: Susanne Shivers

Fyrsti Kafli:

Matur Dauðans

Það var rigning úti þegar Jón settist niður. Hann var staddur í litlu kaffistofunni Morgun Haninn. Stofan hefði séð betri daga, en efnahagslægð síðustu ára hefði tekið sinn toll á staðnum. Rigningin barði á drulluga rúðuna. Fyrir framan hann lá dagblað, gefið út í dag, 25.október, 2013. Öll forsíðan fjallaði um stærstu frétt síðustu ára, með stórri fyrirsögn, Andlát í stjórnarráðinu.

Í greininni stóð að Forsætisráðherrann hefði látist um nóttina, hin opinbera útskýring á andlátinu væri kransæðakast, en sú útskýring hljómaði ekki mjög trúverðug, þar sem að ráðherrann hefði alltaf verið duglegur að æfa sig, og hefði litið vel út í sjónvarpsviðtali sem var tekið við hann í gær. Jón las áfram.

Forætisráðherrann dó í rúminu, opinber dánartími hefði verið gefinn upp klukkan 03:15 um nóttina.

- *Úff, þvílík rigning*, segir kunnugleg rödd. Jón lítur upp úr blaðinu. Fyrir framan hann er Njalli, gamall skólafélagi hans úr menntaskóla.

Njalli var atvinnulaus eins og var. Hann hafði áður unnið fyrir fjármálaráðuneytið, en eftir að það hafði komist upp um mikinn fjádrátt hjá fjármálaráðherra voru allir starfsmenn reknir, þar á meðal Njalli. Eftir stóð fjármálaráðherrann, með eitt lítið skamm fyrir verkið.

- *Svakalegar fréttir*, segir Njalli við Jón.

Jón lítur aftur í blaðið án þess að segja nokkuð. Málið var nefnilega það, að Jón hefði þekkt Forsætisráðherrann, þar sem að hann kenndi Jóni þjóðhagfræði í menntaskóla, með misjöfnum árangri. En einhverra hluta vegna hafði Forsætisráðherrann aldrei þolað Jón.

- *Hvernig er það, hafið þið hjá leyniþjónustunni ekki fengið neinar upplýsingar um málið*, segir Njalli um leið og hann sest niður.

- *Nei*, segir Jón loksins.

Jón vann hjá leyniþjónustu Íslands, og var búinn að vera þar í nokkur ár. Þrátt fyrir að almenningur vissi að hann ynni fyrir LÍ (Leyniþjónusta Íslands), þá vissi í raun enginn hvað hann gerði í raun og veru. Sagan sagði að hann væri ritari, en sannleikurinn var langt frá því. Jón vann við að leysa þau skítamál sem að ríkisstjórnin hefði búið til, sem að þurfti að þrifa upp án þess að almenningur vissi af.

Hann var farinn að finna svoleiðis lykt af málinu, eða kannski var þessi lykt af einhverju öðru, kannski var þessi lykt af Njalla.

Hvað á að fá sér að borða? Njalli er enþá að reyna að fá einhverja athygli hjá Jóni, en Jón er eitthvað þungur á sér í dag, kannski var það bara rigningin sem fór eitthvað í taugarnar á honum, eða kannski var það bara það að hann svaf ekki nema í þrjá tíma um nóttina, og hann var hreinlega útkeyrður.

Þjónustudaman kemur til þeirra og spyr þá hvað þeir vilja fá að borða. Jón fær sér kaffi og kleinur, á meðan Njalli fær sér súpu dagsins, mjög vafasama máltíð.

Jón lítur upp úr blaðinu og lítur á Njalla.

- Eitt sem að ég skil ekki alveg? Hvar var konan hans?

- Nú er ég ekki alveg að skilja, svarar Njalli.

- Ertu að tala um Ráðherrann?

- Já. Málið var það að ég pantaði sjálfur miða fyrir hana til London í fyrradag, og hún fór í gærkvöldi. Hvernig getur þá staðist að hún hafi fundið hann látinn við hliðina á sér í morgun, þar sem flugið hennar kom ekki til Íslands aftur fyrir en fyrir rétt rúmum hálf tíma. Jón lítur á Njalla, sem er með augun opin upp á gátt, og munnurinn á honum er ekki alveg lokaður.

- Þetta er eitthvað sem ég þarf að skoða aðeins betur. Það eru einhver brögð í tafla hérna.

- Ég ætla að fara niður í vinnu, þeir hafa kannski einhverjar upplýsingar fyrir mig þar.

Jón setur fimmhundruð kall á borðið, stendur upp, smeygir sér í frakkann og labbar út í rigninguna.

-Framhald í næsta tölublaði.



hraunbuar.is

..:Slúddi:..

Heyrst hefur að ráðnar hafi verið gamlar konur til að hjálpa skátum yfir götur...

Að sólin muni kíkja á vormótið...

Að Árni Johnsen muni sitja við brekkusöng í dróttskátabúðunum...

Að Jakob eigi það til að fylla díselbíla af bensíni...

Að Bo.....a muni spila á vormótinu...

Læknirinn er við...

Fyrir nokkrum árum tók Móri sig til og lauk doktorsgráðu í sálfræði frá einum virtasta bréfaskóla heims.

Eins og áður fyrr ætlar Móri að taka það að sér að leysa úr vandamálum vormótsgesta og svara hvers konar spurningum. Það eina sem þið þurfið að gera er að skrifa vandamál ykkar á blað, stílað á Dr. Móra, og setja í Labbakútinn sem staðsettur verður á mótssvæðinu og svarið við öllum heimsins vandamálum kemur svo vonandi í næsta Labba.

Móri tekur einnig við tölvupósti á netfanginu

dr_mori@hotmail.com

Móri er þekktur fyrir ráðvendni og heiðaleika svo að þið getið óhrædd trúað honum fyrir hverju sem er og treyst því að fá heiðarlegt og hreinskilið svar.

Allri ráðgjöf skal tekið með tilhlýðilegri alvöru. Engin ábyrgð er tekin á andlegri og líkamlegri heilsu þeirra sem fylga ráðum Móra.

Slúddi er einn af höfuðmálum þess / hennar...

Vormótssöngur Hraunbúa 2003

Sól að morgni

lag: Rangur maður

Krýsuvík kallar til þín:
„Komdu með bros á vörum!“

Krýsuvík kallar til þín:
„Komdu röski skáti
með tjaldið og pokann.“

Krýsuvík kallar til þín:
„Sjáðu sól að morgni,
sem signir skátabúðir.“
Krýsuvík kallar til þín:
„komið er tækifæri
til þess að leika og lifa.“

Ég er rangur skáti
á réttu móti
í vitlausu tjaldi.



Þessir töfrandi tónar við varðeldinn,
taka flugið útí vörnóttina.
Og gítarinn syngur með sínu nefi,
segjandi ævintýr íi tónalitum.

Hér er ég frjáls sem fuglinn,
feta um landið mitt
og höndla hamingjulindir.
Hvers vegnan skyldu skátar
ekk' skynja leyndamál lífsins,
sem lifa í Krýsuvík og bíða?

Ég er rangur skáti
á réttu móti
í vitlausu tjaldi.

Dýrðin - dýrðin
Krýsuvíkurlóa kvæði syngur.



H.Z.